

REFERAT SAA- Sanarfinermut Avatangiisinullu Ataatsimiititaq d. 28-01-2020

Mødedato Tirsdag d. 28. januar 2020 kl. 15:00

Mødested Kommunalbestyrelsep ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	8
Aalajangiiffigisassat.....	9
Suliat Aningaasaqarnermut Inuussutissarsiornermullu Ataatsimiititamut.....	10
Kommunimut pilersaarummut tapiliussassatut siunnersuut 1C38-2 Qullilerfik, Nuuk.....	11
Kommunimut pilersaarummut tapiliussatut siunnersuut, 1C39-1, Sømandshjemmet, Nuuk.....	14
Qamuteralaat pillugit ileqqoreqqusaq, Inaarutaasumik akuersissutigineqarnera.....	18
Taasariaqartut allat.....	23
Lukket.....	24
Lukket.....	25
Imaqarniliap akuerineqarnera.....	26

Punkt 0: Saqqaa

Ilaasortat

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Lund Kuko (S)

Beslutning

Oqarasuaatikkut: Justus Hansen (D), Harald Bianco (IA), Charlotte Pike (IA), Lund Kuko (S) aamma Mala Høy Kuko (S)

Punkt 1: Oqaluuserisassat akuersissutigineqarneri

Beslutning

Oqaluuserisassat akuerineqassapput

Punkt 2: Nalunaarutit

2a. siulittaasup nalunaarutai

2b. ingerlatsiviup nalunaarutai

Beslutning

2a. Soqanngilaq

2b.

1. HHWJ-ip ataatsimiititamut ilisimatitsissutigaa, ingerlatsiviup qaammatini kingullerni marlunni asfaltimik pilersuinerup Nuummilu suliaassat siunissamat qulakkeerneqarnissaat sulissutigisimagaa, aaqqiissutissamillu nassaartoqarsimasoq.

Nuup Kommunea kingornagullu Kommueqarfik Sermersooq 80'ikkut aallartimmatali Nuummi asfaltiorfimmik aserfallatsaaliinermillu ingerlataqarsimapput. Ukiut ingerlanerini atortut pingaarnerit taarserneqartarsimapput, aammalu aserfallatsaaliinerit annertuut pisariaqartulli ataavartumik ingerlanneqartarput, asfaltiorfiup asfaltiornermut atorneqarnissaa pisariaqassappat. Asfaltiorfiup maskiinallu aserfallatsaalineri nutarterinerillu ukiuni kingullerni ukiumut 3 mio koruunit missaannik akeqarsimapput.

Asfaltiorfiup nungullarsimanera ullutsinnullu naleqqukkunnaarsimanera assigiinngitsunik pissuteqarpoq:

- 2019imi asfaltiersuineq ajornakusooqisumik naammassineqarpoq. Taamaasilluta namminersortut suliaassannut tunngatillugu asfaltiersuinnaasimanngilagut, taakkualu 2020-mut kinguartillugit, pissutigalugu asfaltiorfik akulikippallaamik atorsinnaajunnaartarmat.
- Asfaltiarineqartup pitsaassusiaata ataavartumik aquneqarnissaa ajornartorsiutaasimavoq, tamatumalu kingunerisaanik procentinngorlugit atorunnaaginnagassat annertusimaqalutik.
- Nuummi mittarfiup suliarinnittussaata maani asfaltiorfik atorlugu asfaltiorfittisnissaaq atorumasimanngilaa, asfaltiiaassat annertussusiaat pitsaassusialu eqqarsaatigalugit ingerlatsinikkut isumannaarneqarsinnaanera upperinnginamikku.

Qaammatit marluk ingerlaneranni ingerlatsivik siunissami aaqqiissutissamik ujartuilluni sulissuteqarsimavoq, tassuunakkut Kommunip kisiartaalluni asfaltimik pilersuisuunissaa, aammalu namminersortup ataatsip kisermaassillunilusoq sanaartornernik pisinnaatitaaffeqannginnissaa qulakkeerneqassalluni. Namminersortut kisermaassinertut assingusumik ingerlatsinissaat piffissami aggersumi aqqusinernik aserfallatsaaliisoqarnissaa, minnerunngitsumillu sanaartugassani asfaltiersuinertalinni akisunerulersitsinissaat nalilerneqarpoq. Tamaammat qulakkiissallugu pingaaruteqarpoq, sanaartornermi akit pituttorsimanngitsumik unammillissutaasarnissaat, aamma siunissami.

Ingerlatsiviup mittarfiliortussat Munck-gruppen isumaqatigiissuteqarfigisimavai, taakkua Nuummi nutaaliamik avatangiisinullu nungusaataannngitsumik asfaltiorfimmik nutaamik Nuummi inissiissasut, aasaq manna aallartillutik.

Asfaltiorfik Munck-gruppen-imit aammalu Sermersuumi sulisunit ataatsimoorullugu ingerlanneqassaaq. Taamaasillutik Munck-gruppen-imi sulisut Sermersuumi sulisunik asfaltiorfimmik ingerlatsinissamat ilinniartitsissapput.

Mittarfimmik sanaartornerup nalaani asfaltiorfik ima angitigissaaq, allaat kommunimi suliaassanut mittarfiornermilu asfaltimik atugassamik pilersuisinnaassalluni. Kisianni piffissat ilaanni sulineq ataqatigiissarneqartariaqartassaaq, atortutigut pisinnaasat pissutigalugit.

Munck-gruppen mittarfiornermik naammassisaqareerat (2023-imi) kommunip asfaltieriffik pisiarissavaa, isumaqatigiissutit naapertorlugit akigitinneqartussamik akilerlugu, asfaltieriffiup nungullarsimanera Munckgruppillu nalikilliliissutissaat eqqarsaatigalugit.

Asfaltiorfiup nutaap pioreersullu pitsaaqtaat:

- Aserfallatsaaliinermut aningaasartuutikinnerulerneq.
- Ingerlatsinermut aningaasartuutit ikilineri. Asfaltiorfik nutaaq ataatsimikmarlunnik ingerlanneqarsinnaavoq, pisoqarlu sisamanik-tallimanik sulisoqarluni ingerlanneqarsinnaalluni.

- Pinngortitamut nungusaataanninnerusumik asfaltiorneq. Asfaltiorfimmi nutaami asfalti pisoqaaq atoqqinneqarsinnaavoq, aammalu aniatitsinerit EUMi aniatitsinerit piumasagaatit naapertorlugit nakkutigineqartussaallutik. Asfaltiorfimmi pisoqqami tamakkuninnga periarfissaqanngilaq.
- Asfaltiorfimmi nutaami kommunimi SIK naapertorlugu sulisut arlallit nangittumik sulisoriinnarnissaat qulakkeerneqarpoq. Nutamik mittarfiliornissamat atatillugu asfalterinerit sulisut sulisoriinneqarnissaasa qulakkeerneqarnissaa pillugu ingerlatsiviup SIK isumaqatigiissuteqarfigisimavaa.
- Illoqarfimmi asfalti pitsaanerusoq.

Missingersuutitut tunngatillugu isumaliutigineqartut 2021-mut missingersuusiornissamat isumaqatiginninniarnissanut saqqummiunneqarumaarput.

2. HHWJ-ip Tunumut pitsaanerusumik sukkanerumillu internettikkut attaveqaateqalernissaanik suliap killiffia ataatsimiititamut ilisimatitsissutigaa.

Kommuneqarfik Sermersooq aamma Telepost qanimut oqaloqatigiinnermik suleqatigiinnermillu pilersitsipput Tunumi pitsaanerusumik sukkanerumillu internettikkut attaveqaateqalernissaa anguniarlugu. Ukiup ingerlanerani antenne nutaaq sakortunerusorlu ikkunneqassaaq, aammalu suleqatigiinnermi qulakkeerneqassalluni qaammataasakkut attaveqaammik pilersitsinissaq.

3. HHWJ-ip Nuummi suliasat arlaqartut aallartinneqarsimasut ungasinngitsukkullu aallartinneqartussat pillugit ataatsimiititamut ilisimatitsissutigai.

Illoqarfiit Pingaarnersaat pillugu Periusissamik kommunalbestyrelsip akuersissuteqarneranut uiggiullugu tassungalu atasunik kommunimut pilersaarutinik arlaqartunik akuersissuteqarneranut atatillugu suliasat naatsorsuutigineqartut arlaqartut aallartilluinnalerput - taakkununga ilanngullugu antenneqarfissaaq (K-sat eqqaani), aammalu Hurtigrutenip akunnitarfiliornissaa.

Kongsberg, K-satip eqqaaniittoq Permagreen peqatigalugu antenneqarfissamik sanaartorluni aallartereerpoq. Hurtigruten 100-nik initalimmik akunnitarfiliornissaminut nunaminertamik atuinissamat qinnuteqaammik nassiusseerpoq akuersissuteqarfigineqareerlunilu. Tassani naatsorsuutigineqarpoq, sanaartornissamat inaarutaasumik qinnuteqaatip ukioq manna kingusinnerusukkut nassiunneqarnissaa.

4. HHWJ-ip Eqqagassaleriviup 2020-mi Unnuk Kulturisiorfimmi peqataanera pillugu ataatsimiititamut ilisimatitsissutigaa.

2020-imi Unnuk Kulturisiornermut atatillugu Eqqagassalerivik ammatitsilluni aqqissuussaqarpoq. Aqqissuussineq ornigarneqarluarsimavoq torrallataalluarsimallunilu.

5. HHWJ Tasiilami inuusuttut kulturikkut illorsuassaanik sanaartornerup killiffia pillugu ilisimatitsissuteqarpoq.

Tasiilami inuusuttut kulturikkut illorsuassaanik sanaartorneq ajoraluartumik arlaleriarluni ajutoornermik kinguneqartarpoq. Tamatuma kingunerisaanik atortussat uppikaasarsimapput ajoquserlutillu. Ingerlatsiviup siunnersortivut peqatigalugit ajoqusernerit annertussusiat annikillisarniarlugit aallartereerput. Ajutoornerit sanaartornermut qanoq kinguneqassanersut erseqqissumik oqaatigisinnaanngikkaluarlugu, taava tunniussinissap kinguartooruteqarnissaa aarlerigineqarpoq.

6. HHWJ-ip maannakkut Namminersorlutik Oqartussanik eqqartueqatigiinnerit ingerlanneqartut pillugit ataatsimiititaq ilisimatippaa.

suleqatigiissutigineqartut. Piffissami matumani Kommuneqarfik Sermersooq Namminersorlutik Oqartussallu ataatsimiititap akisussaaffeqarfiinik arlalinnik eqqartueqatigiissuteqarput, taakkununga ilanngullugit Namminersorlutik Oqartussat inissiaataannik kommuninut nuussinissat pillgit, inatsisit nalunaarutillu arlallit qanoq paasineqarnissaat il. il. pillugit.

7. HHWJ-ip Sanarfinermut Avatangiisinullu Ingerlatsivimmi aqqissuussaanikkut allannguutissat arlallit eqqarsaatigineqartut pillugit ataatsimiititamut ilisimatitsissutigaa.

8. HHWJ suliamut ingerlanneqartumut tunngasunik allagaatinik takunnissinnaanermik qinnuteqarneq pillugu ilisimatitsivoq.

KNR upalungaarsimaneq pillugu aamma upalungaarsimaneq pillugu init ataatsimoorfissat attartortittarnerinut atatillugu allagaatinik takunnissinnaatitaanermik qinnuteqarpoq. Tassa aappassaannik qinnuteqarput ingerlatsiviullu paasissutissat nassiateqqippai.

Nuummi meeqqerivinnik marlunnik nutaanik atuarfissuassamillu nutaamik tigusinissamut ingerlatsinissamullu piareersarneq, aammalu kommunip illuutaanik aserfallatsaaliinissamik suliniuteqarnerit aammalu NCD-p Iserit-llu inissiaataasa, kommunip sanaartornermut immikkoortorta qarfiata aammalu Iserit teknikkimut immikkoortorta qarfiata ataatsimoortinnissaat taakkualu siunnersortaasa nutaamik suleqatigiiffeqalernissaat pillugu. Ataatsimoortumik suliffeqalernissaq siullermik Iserit illutaani inissisimassaaq, ukiup affaata tulliani namminneq torsuusaqalernissaat il. il. eqqarsaatigalugu. Ataatsimoortumik allaffeqatigiilernissap saniatigut aaqqissuussaannermut tunngasortaa ungasinnerusukkut allaganngortinneqarumaarpoq politikikkullu oqaluseritinneqarluni, tassunga ilanngullugu kommunip nammineq pigisaanik ingerlatsivimmik ingerlatseqatigiiffiliornissaq. Tamatuma saniatigut ingerlatsivimmi innuttaasunik inuussutissarsiuteqartunillu kifartuussineq nukittorsarniarneqarpoq.

Punkt 3: Ilisimatitsissutit

Soqanngilaq

Beslutning

Soqanngilaq

Punkt 4: Aalajangiiffisassat

Soqanngilaq

Beslutning

Soqanngilaq

**Punkt 5: Suliat Aningaasaqarnermut Inuussutissarsiornermullu
Ataatsimiititamut**

Punkt 05A: Kommunimut pilersaarummut tapiliussassatut siunnersuut 1C38-2 Qullilerfik, Nuuk

Beslutning

Innersuussut akuersissutigineqarput

Bilag

Ilangussat 1 - Kommunimut pilersaarummut tapiliussassatut siunnersuut 1C38-2 Qullilerfik, Nuuk

Kommunimut pilersaarummut tapiliussassatut siunnersuut 1C38-2 Qullilerfik, Nuuk

Aalajangiiffigisassaq

J.nr.: EMN-2019-04721

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

”Pilersaarummut qinnuteqaat Qullilerfik” tunngavigalugu kommunimut tapiliussassatut siunnersuummi 1C38-2-mi qitiusoqarfimmi 1C38-mi, immikkuualuttoq IV-mut aalajangersakkat nassuiaasersukkat ilanngullugit, sanaartorfissat tallimat atugassiissutigineqarput. Sanaartorfissani inissiaqarfiit tallimat 3-miit 7-inut quleriillit sananeqarsinnaapput, piumasaqaataavorlu Imanerup Qapiarfiusaallu akornanni pingasunik uninngaartarfitalimmik tamanit atorneqarsinnaasunik aqqusineeraliortoqarnissaa kiisalu illoqannginnersamik aqqissuussineq. Kommunimut pilersaarummut tapiliussaq 1C38-1-imut pioreersumut tapiliullugu siunnersuut atuarneqassaaq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 1C38-2 Qullilerfik, Nuuk akuersissutigineqassasoq
- siunnersuut akuersissutigineqartoq akuerisassanngorlugu sapaatip-akunnerinilu arfinilinni tamanut tusarniutigisassanngorlugu Aningaasaqarnermut Inuussutissarsiornermullu Ataatsimiititamut ingerlateqqinneqassasoq
- tamatumalu kingornatigut suliaq Aningaasaqarnermut Inuussutissarsiornermullu Ataatsimiititamit kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

”Nuummumut Illoqarfiit Pingaarnersaattut Periusissaq” 2016-imeersumi, illoqarfimmi inissianik pisariaqartitsigaluttuinnarnera ilutigalugu, Nuup immikkoortoqarfitoqaata ineriartorfiunissaa pillugu, eqiteriffissatut toqqarneqarpoq.

Tassunga atatillugu 2019-imi decembarip qaammataani kommunalbestyrelsip ”Pilersaarummut qinnuteqaat Qullilerfik” akuersissutigaa, tamannalu pillugu kommunimut pilersaarummut tapiliussaq 1C38-2-mut siunnersuusiortoqarpoq. Siunnersuummi Qullilerfiup eqqaani qaqqaq sinerlugu immikkoortup ilaani 1C38-mi inissianut nutaanut najoqqutassat qulakkeerneqarput, taannalu siunnersuut kommunimut tapiliussamut pioreersumut 1C38-1-imut tapiliussatut atuarneqassaaq.

Kommunimut pilersaarummut tapiliussamut 1C38-2-mut siunnersuummi sanaartorfissat tallimat qitiusoqarfimmi 1C38-mi atugassiissutigineqarput, immikkuualuttoq IV-mut aalajangersakkat nassuiaasersukkat ilanngullugit. Sanaartorfissani inissiaqarfiit tallimat 3-miit 7-inut quleriillit sananeqarsinnaapput. Sanaartornermi Imanerup Qapiarfiusaallu akornanni pingasunik uninngaartarfitalimmik tamanit atorneqarsinnaasunik aqqusineeraliortoqarnissaa, ilaatigut Samuel

Kleinschmidt qullilerfiata eqqaani, piumasaqaataavoq. Tamatuma saniatigut "Imaneq pillugu ilusilersuinermi najoqqutassaq" 2011-imeersoq malillugu Katersortarfiup grillbarillu akornanni nunaminertamik pilersitsisoqassaaq.

Aaqqiissutissatut siunnersuut – suliatigut naliliineq

Qullilerfiup eqqaani qaqqaq sinerlugu sanaartornissamut periarfissiissut nutaaq illoqarfimmi inissianik pisariaqartitsinerup annertusiartorneranut naapertuuttuuvuq. Pilersaarummi sanaartorfissat atugassiissutigineqartut qaqqaq sinerlugu sanaartukkat nutaat illullu pioreersut akornatigut isikkiveqarnissaa qulakkeerneqarpoq. Tamatuma saniatigut Imanerup Qapiarfusaallu akornanni tamanit atorneqarsinnaasumik aqqusineeraliorneq innuttaasunut iluaqutaassasoq ingerlatsivimmit nalilerneqarpoq.

Aningaasatigut sulisoqarnikkullu naliliinerit

Kommunimut pilersaarummut tapiliussap suliarineqarnera immi aningaasatigut kinguneqartitsinngilaq.

Inatsisitigut tunngavissaq allakkallu tunngaviusumik uppersaatitallit

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq aamma Inatsisartut inatsisissaat nr. 34, 9. december 2015-imeersoq Kommunimut pilersaarut digitaliusoq www.sermersooq2028.gl

Ingerlariaqqinnissaq

Pilersaarutissatut siunnersuut sapaatip-akunnerini arfinilinni piffissami 04.3.2020 – 15.4.2020 akornanni tamanut tusarniaassutigineqassasoq naatsorsuutigineqarpoq. Tusarniaassummut akissuteqarnissamut killiliussaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpata ingerlariaqqinnissamullu inassuteqaateqartoqareerpat, Sanarfinermut Avatangiisinullu Ataatsimiititami aamma Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi inaarutaasumik akuerineqartussanngorlugu ingerlateqqinneqassaaq. Inaarutaasumik pilersaarut tamanit pissarsiarineqarsinnaalissaaq ilaatigut kommunip nittartagaanut ikkunneqarluni aammalu kommunimut pilersaarut pillugu nittartakkamut www.sermersooq2028.gl

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaq sapaatip-akunnerini arfinilinni tamanut tusarniaassutigineqassaaq, tamannalu najukkami nalunaarutigineqarlunilu kommunip tusarniaanermut quppersagaatigut allagarsiissutigineqassaaq.

Ingerlatsivinnit allaniit oqaaseqaatigineqartut

Soqanngilaq

Ilanngussaq

1. Kommunimut pilersaarummut tapiliussassatut siunnersuut 1C38-2 Qullilerfik, Nuuk

Punkt 05B: Kommunimut pilersaarummut tapiliussatut siunnersuut, 1C39-1, Sømandshjemmet, Nuuk

Beslutning

Innersuussut akuersissutigineqarput

Bilag

Ilanngussat - Kommunimut pilersaarummut tapiliussatut siunnersuut, 1C39-1, Sømandshjemmet, Nuuk.

Kommunimut pilersaarummut tapiliussatut siunnersuut, 1C39-1, Sømandshjemmet, Nuuk

Aalajangiiffigisassaq

J.nr.: ANL-2019-00009

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussatut siunnersuummi immikkoortup ilaani pioreersumi 1B1-imi nutaamik immikkoortup ilaanik, 1C39, atugassiisoqarpoq. Immikkoortup ilaa nutaaq C-tut qitiusumik atorneqarsinnaasutut atugassiissutigineqarpoq, tassani kikkunnilluunniit ornigarneqartartunik illoqarfiup qeqqani atuuffinnut tunngasut pilersinneqarsinnaallutik. Taamaalilluni kommunimut pilersaarummut tapiliussatut siunnersuut Sømandshjemmet pioreersup allilerneqarnissaanut nutarterneqarnissaannullu periarfissiivoq. Sømandshjemmemut atasumik sanaartorfissanik nutaanik atugassiisoqarpoq, taakkulu nunaminertamik atuisinnaanermut akuersissuteqareersumit taamaallaat atorneqarsinnaassapput. Ineqarfinnik nutaanik marlunnik, isumasioqatigiinnermut atatillugu inimik kiisalu pisortap inissaanik il. il. sanaartornissamik periarfissiisoqarpoq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussatut siunnersuut 1C39-1 Sømandshjemmet, Nuuk akuersissutigineqassasoq
- siunnersuut akuersissutigineqartoq Aningaasaqarnermut Inuusutissarsiornermullu Ataatsimiititamut ingerlateqqinneqassasoq, sapaatip-akunnerini arfineq-pingasuni tusarniaassutigineqarnissaa siunertaralugu
- tamatuma kingorna suliaq Aningaasaqarnermut Inuusutissarsiornermullu Ataatsimiititamut Kommunalbestyrelsimut ilisimatitsissutitut ingerlateqqinneqassasoq.

Suliassamik saqqummiussineq

Kommunimut pilersaarummut tapiliussatut siunnersuummi immikkoortup ilaani pioreersumi 1B1-imi nutaamik immikkoortup ilaanik, 1C39, atugassiisoqarpoq. Immikkoortup ilaa nutaaq C-tut qitiusumik atorneqarsinnaasutut atugassiissutigineqarpoq, tassani kikkunnilluunniit ornigarneqartartunik illoqarfiup qeqqani atuuffinnut tunngasut pilersinneqarsinnaallutik. Taamaalilluni kommunimut pilersaarummut siunnersuut Sømandshjemmet pioreersup allilerneqarnissaanut nutarterneqarnissaannullu periarfissiivoq. Sømandshjemmemut atasumik sanaartorfissanik nutaanik atugassiisoqarpoq, taakkulu nunaminertamik atuisinnaanermut akuersissuteqareersumit taamaallaat atorneqarsinnaassapput. Ineqarfinnik nutaanik marlunnik, isumasioqatigiinnermut atatillugu inimik kiisalu pisortap inissaanik il. il. sanaartornissamik periarfissiisoqarpoq.

Immikkoortoq sanaartorfissanut pingasunut immikkoortunut agguagaavoq, tassanilu assigiinngitsunik portussusilinnik sanaartortoqarnissaanut akuersissuteqartoqarsinnaavoq: Sanaartorfissaq A-mi quleriit sisamat tikillugit atuuppoq

Sanaartorfissaq B-mi quleriit pingasut tikillugit atuuppoq
Sanaartorfissaq C-mi quleriit marluk tikillugit atuuppoq
Ini alleq quleriinni siullertut atuuttuaannarpoq.

Taamatut assigiinngisitsinikkut nunap ilusaa ersarinnerulissaaq, avatangiisinullu kusanartumik, assigiinngisitaartumillu ataqatigiissaartutut isikkoqalerluni.

Aaqqiissutissatut siunnersuut – suliatigut naliliineq

Immikkoortup pitsaassussaata nalilerneqarnera, qaqqamut immamullu isikkivik, silamiittut pitsaasut silamilu uninngaartarfiit toqqammavigalugit siunnersuusiortoqarpoq.

Siunnersuummi immikkoortup atorneqarsinnaaneranut tunngatillugu attaveqaatit, qaqqami immikkuullarissumik inissisimanera, kiisalu siunissami atorneqarnissaanut kissaataasut eqqarsaatigineqarput.

Taamaattumik ingerlatsiviup Illuliortaatsimut politikimi naleqartitanut siunnersuut naapertuuttoq nalilerpaa, immikkoortuni tulliuttuni:

Illuliortaatsimut politikki

- 1 Illuliortaaseq kinaassuseqalersitsisoq:**
Siunnersuummi sanaartornermut tunngasut kiisalu immikkoortup ilusaa eqqarsaatigineqassasoq oqaatigineqarpoq.
- 2 Illoqannginersat illoqarfimmilu inuuneq:**
Illut uiguleriit akornatigut kujammut sammisumik oqquartamik pilersitsinikkut tamanut ammasumik isikkivigissumik illoqannginersamik pilersitsisoqarsinnaavoq.
- 3 Piffissaq sumiiffillu:**
Siunnersuummi nuna pioreersoq ataqqineqarnissaa atorluarlugulu illuliortaatsimik soqutiginarumik pilersitsisoqarnissaa allassimavoq.

Nunarsuaq tamakkerlugu anguniakkat:



SDG 11.4:
Kulturikkut pinngortitamillu kingornussagut illersussavagut pioreersup Mågehusip qaqqajunnamilu pinngortitap ilusaa innimigalugit.



SDG 11.7:
Isumannaatsunik tamanit silami uninngaartarfiusinnaasumik pilersitsinermut tunniussaqaqataassaagut - tamanut ammasumik.



SDG 12.2:
Qaartiterinerup annikinnerpaaffianitinneratigut atorluaasoqarlunilu pinngortitami isumalluutit piujuartinniarlugit suliaqartoqassaaq.



SDG 15:
Pinngortitap pioreersup ataqqineratigut uumassusillit assigiinngisitaarnerat pinngortitamilu inuuneq qulakkeernissaanut tapersiisoqassaaq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitalit

Pilersaarusiorneq aamma nunaminertat atorneqartarnerat pillugit Inatsisartut inatsissaat nr. 17, 17. november 2010-imeersoq aamma

Inatsisartut inatsissaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Siunnersuut tamanut tusarniaassutigineqassaaq sapaatip-akunnerani arfineq-pingasuni.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Kommunimut pilersaarummut tapiliussassatut siunnersuut sapaatip-akunnerini arfineq-pingasuni tamanut tusarniaassutigineqassaaq, tamannalu Nuummi Nuuk Ugeaviisikkut kiisalu kommunip tusarniaanermi nittartagaatigut allagarsiutigineqassaaq.

Ingerlatsivinnit allaniit oqaaseqaatigineqartut

Soqanngilaq

Ilanngussat

1. Kommunimut pilersaarummut tapiliussatut siunnersuut, 1C39-1, Sømandshjemmet, Nuuk.

Punkt 05C: Qamuteralaat pillugit ileqqoreqqusaq, Inaarutaasumik akuersissutigineqarnera

Beslutning

Innersuussut akuersissutigineqarput

Bilag

Ilanngussat 1 - Akerliliissutinik suliaqarneq

Ilanngussat 2 - Akerliliissutit

Ilanngussat 3 - Ileqqoreqqusaq

Qamuteralaat pillugit ileqqoreqqusaq, Inaarutaasumik akuersissutigineqarnera

Nutaamik politikikkut oqaluuserineqarnera

Aalajangiiffigisassaq

J.nr: 16.08-P25-1-17

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Suliamik ingerlatsinermi kukkuluttortoqarnera pissutigalugu, Namminersorlutik Oqartussat Inatsisileriffiata Qamuteralaat pillugit ileqqoreqqusaq, Kommunalbestyrelsip ulloq 30 04 2019 inaarutaasumik akuersissutigisaa, atuaqqissaarsimanngilaa. Tamanna pissutigalugu ileqqoreqqusaq atuutilersinnaasimanngilaq.

Namminersorlutik Oqartussat Inatsisileriffiata kiisami ileqqoreqqusaq oqaaseqarfigaa, oqaaseqaataallu ileqqoreqqusami oqaaseqatigiinnik iluarsisutaanerupput. Taamaakkaluartoq ileqqoreqqusaq inaarutaasumik akuersissutigisassanngorlugu kommunalbestyrelsimut saqqummiuteqqinneqassaaq.

Tamanna pereerpat ileqqoreqqusaq Pinngortitamut Avatangiisinullu Naalakkersuisoqarfimmu nassiunneqassaaq, taassumalu ileqqoreqqusaq Inatsisileriffimmut ingerlateqqissavaa, Naalakkersuisut.gl.-imut tamanut saqqummiunneqarnissaa siunertaralugu.

Qamuteralaat pillugit ileqqoreqqusassatut siunnersuut sapaatip-akunnerini 8-ni, 28 11 2018-imiit 23 01 2019-imut, tamanut tusarniaassutigineqarpoq. Tusarniaanermut akissutit qulit piffissaq eqqorlugu tunniunneqarput, taakkunanilu akerliliissutit oqaaseqatigiinnik iluarsinermik taamaallaat kinguneqarsimapput. Paragraffi ataaseq erseqqissarneqarpoq, ilanngussallu tamanit paasineqarsinnaanngorlugit iluarsaanneqarlutik, naggasiullugu aatsitassarsiornissamut akuersissutit ilanngussani aamma takuneqarsinnaalerput.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- qamuteralaat pillugit ileqqoreqqusaq inaarutaasumik akuersissutigineqassasoq
- qamuteralaat pillugit ileqqoreqqusaq akuersissutigineqartoq Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq
- qamuteralaat pillugit ileqqoreqqusaq akuersissutigineqartoq Kommunalbestyrelsimut akuersissutigineqarnissaanut taamalu Namminersorlutik Oqartussat Inatsisileriffianut tamanut saqqummiunneqarnissaa siunertaralugu ingerlateqqinneqassasoq.

Suliassamik saqqummiussineq

Suliamik ingerlatsinermi kukkuluttortoqarnera pissutigalugu, Namminersorlutik Oqartussat Inatsisileriffiata Qamuteralaat pillugit ileqqoreqqusaq, Kommunalbestyrelsip ulloq 30 04 2019 inaarutaasumik akuersissutigisaa, atuaqqissaarsimanngilaa. Tamanna pissutigalugu ileqqoreqqusaq atuutilersinnaasimanngilaq.

Namminersorlutik Oqartussat Inatsisileriffiata kiisami ileqqoreqqusaaq oqaaseqarfigaa, oqaaseqaataallu ileqqoreqqusami oqaaseqatigiinnik iluarsisutaanerupput. Taamaakkaluartoq ileqqoreqqusaaq inaarutaasumik akuersissutigisassanngorlugu kommunalbestyrelsimut saqqummiuteqqinneqassaaq.

Siunnersuut sapaatip-akunnerini 8-ni, piffissami 28 11 2018-imiit 23 01 2019-imut, tamanut tusarniaassutigineqarpoq, tusarniaanermullu akissutit qulit piffissaaq eqqorlugu tunniunneqarput, taakkunanilu akerliliissutit oqaaseqatigiinnik iluarsiinermik taamaallaat kinguneqarsimapput. Paragraffi ataaseq erseqqissarneqarpoq, ilanngussallu tamanit paasineqarsinnaanngorlugit iluarsaanneqarlutik, naggasiullugu aatsitassarsiornissamut akuersissutit ilanngussani aamma takuneqarsinnaalerput.

Ileqqoreqqusami nunaannarmi angallanneq pillugu tamanut aalajangersaasoqarpoq, assersuutigalugu angallassinnginnermi aput qanoq annertigissanersoq pillugu. Tamatuma saniatigut ileqqoreqqusami illoqarfinni nunaqarfinnilu angallanneq pillugu aalajangersagaqarpoq. Ilanngussani oqaaseqatigiinnik iluarsisoqarpoq nutaanik nassuiaasersuisoqarluni, taakkulu qernertumik/qaqortumik qalipaateqarput.

Oqaluttuarisaaneq

Qamuteralaat pillugit ileqqoreqqusassatut siunnersuut siulleq piffissami 19 12 2016 – 06 02 2017 tamanut tusarniaassutigineqarpoq.

Piffissami tusarniaaffiusumi tamatumani ingerlatsivik ilaatigut nunataq annertoq alla nutaaq angallaffioqquneqanngitsooq pillugu Pinngortitaleriffimmit tusarniaanermi akissuteqarfigineqarpoq. Nunataq pineqartoq ima angitigaaq, allaat siunnersuut pillugu nutaamik tusarniuteqartariaqalersimalluni.

Tusarniuteqarnerup ingerlanerani aamma Namminersorlutik Oqartussat inatsisileriffianit suliap ingerlanera pillugu allaaserisamik ingerlatsivik tigusaqarpoq, tassani nassuiarneqarluni kommunimi siunissami ileqqoreqqusanut tunngasunik periuserineqartalertussat. Taakku periuserisartagaat naapertorlugu nutaamik tusarniaasoqannginnerani naalakkersuisoqarfiit attuumassuteqartut tusarniaaffigineqaqqaartassapput.

Ingerlatsiviup siunnersuut tassunga naleqqussarlugu iluarsivaa Namminersorlutik Oqartussanullu naalakkersuisoqarfinnut susassaqtartunut tusarniaassutigalugu. Siunnersuummi iluarsineqartumi ingerlatsiviup, imeqarfiup killeqarfiini atorineqanngitsuni aqqusiortoqarnissaa qinnuteqaatigaa.

Ingerlatsiviup qinnuteqaataa itigartinneqarpoq, imeqarfiup killeqarfiata (maannakkut atunngitsooq) atorunnaarsinneqarnissaanik Namminersorlutik Oqartussat maanna oqaloqatigileruttorpaa, imaluunniit aamma imeqarfiup killeqarfia aqqusaarlugu ingerlasoqarsinnaanerani ajornartitsinngitsumik Namminersorlutik Oqartussat nutaamik nalunaarusiorsinnaavoq. Tassunga assingusumik Sisimiut pillugu Namminersorlutik Oqartussat nalunaarusiornikuuvoq, tassanilu imeqarfiup killeqarfia aqqusaarlugu qamuteralannik angallanneq ajornartinneqanngilaq.

Suliap ingerlanneqarnera siviisummat ingerlatsivik nutaamik siunnersuusiorniariarluni aalajangerpoq, nunaannarmi qamuteralannik angallannermut malittarisassanik najoqqutassanillu kommune amigaateqarmat. Naak imeqarfiup killeqarfii assigiinngitsut pillugit ajornartorsiuteqartoqartoq ilisimareeraluarlugu.

Aaqqiissutissatut siunnersuut – suliatigut naliliineq

Ingerlatsiviup nalilerpaa, Qamuteralaat pillugit ileqqoreqqusami sumiiffinni angallassissutit motorillit atorlugit angallassiffiusinnaasuni malinnaaffigiuminartuusoq, aammalu ileqqoreqqusaq kommunimut sakkussatut pitsaasutut atornerqarsinnaassasoq.

Nunaannarmi nakkutilliineq kommunip pisussaaffigivaa. Ima ingerlassaaq, inerteqqutaasumik angallattoqarnera kommunimit paasineqarpat imaluunniit angallassissummik qimatsisoqarsimappat kommunimit nalunaarsorneqassapput, ileqqoreqqusamilu aalajangersarneqartut naapertorlugit iliuuseqassalluni.

Aningaasatigut sulisoqarnikkullu naliliinerit

Ileqqoreqqusamik suliaqarneq annertoorsuarmik aningaasanik sulisunillu atuiffiusariaqarsimanngilaq.

Inatsisitigut tunngavissaq allakkallu tunngaviusumik uppernarsaatitallit

Namminersorlutik Oqartussat nalunaarutaat nr. 10, 10. oktober 2013-imeersoq

Ingerlariaqqinnissaq

Ileqqoreqqusaq Kommunalbestyrelsimit inaarutaasumik akuersissutigineqassappat, taava ileqqoreqqusaq Pinngortitamut Avatangiisinullu Naalakkersuisoqarfimmut nassiunneqassaaq, taassumalu ileqqoreqqusaq Inatsisileriffimmut ingerlateqqissavaa Naalakkersuisut.gl. aqputigalugu tamanut saqqummiunneqarnissaa siunertaralugu.

Ingerlatsivik suleqatigiissitami suleqataavoq, tassani qanoq Namminersorlutik Oqartussat maanna Nuummi Kapisilinnilu imeqarfinnut killeqarfiit pioreersut naleqqussarneqarsinnaanersut imaluunniit killeqarfinni taakkunani nalunaarusiortoqarsinnaanersooq misissuisoqassaaq. Qamuteralattartooqatigiit Qamutit Nukissiorfiillu taamattaq suleqatigiissitamiipput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfiup inassuteqaatit taperserpai.

Innuttaasunik peqataatitsineq/attaveqaqatigiinneq

Namminersorlutik Oqartussat ileqqoreqqusap atuutilersinneqarnissaa isumagissavaat, tamaalereerpallu nutaarsiassaq aamma kommunip nittartakkani aqputigalugu tamanut saqqummiutissavaa.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkut aalajangernerit

Sanarfinermut Avatangiisinullu Ataatsimiititap 25. marsi 2019-imi aalajangenera:

Inassuteqaat ataatsimiititami akuersissutigineqarpoq, oqaaseqaatigalugulu Tasiilami qamuteralattartut peqatigiiffiat peqataatinneqarnissaa kissaatigalugu.

Aningaasaqarnermut Inuussutissarsiornermullu Ataatsimiititap 10. aprili 2019-imi aalajangenera:

Inassuteqaat akuersissutigineqarpoq

Kommunalbestyrelsip aalajangenera 30. aprili 2019-imeersoq:

Inassuteqaat akuersissutigineqarpoq, oqaaseqaatigineqarlunilu neriuutigineqartoq ileqqoreqqusaq malinneqassasoq

Ilanngussat

1. Akerliliissutininik suliaqarneq
2. Akerliliissutit
3. Ileqqoreqqusaq

Punkt 6: Taasariaqartut allat

Beslutning

Soqamngilaq

Punkt 7: Lukket

Punkt 07A: Lukket

Punkt 8: Imaqarniliap akuerineqarnera

Beslutning

Imaqarniliaq akuersissutigineqassaaq nal. 11.46